



**Les Fleurs Des Vies Des Saints Et Des Fêtes De Toute
L'Année, Suivant L'Usage Du Calendrier Romain Reformé**

Augmentées des Saints & Bien-heureux Pères Jésuites, de Saint Charles
Borromée, & de Sainte Françoise ; Avec le Martyrologe Romain, pour
tous les jours de l'Année ...

Ribadeneyra, Pedro de

Paris, 1631

xxiii La vie de s. Sidonius Apollinaire, Evêque & confesseur.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

— l'Empire de Valerian. Il est fait mention de
22. saint Simphorien es Martyrologes Romains,
Aov. de Beda, Vfsuard, & Adon, Surius au Tome 4.
& le Cardinal Baronius, Tome 2. de ses Anna-
les, pag 597. & 599. & dans Gregoire de Tours,
au liure de la Gloire des Confesseurs, chap. 77.
il rapporte vn grand miracle de ses precieuses
Reliques, lesquelles ne peurent estre brûlees au
milieu d'un grand embrasement.

L'Office de l'Assumption de la glorieuse mere de Dieu. A Rome
sur le chemin qui tire vers Ostia, saint Timothee martyr, ayant
esté prins par Tarquin Gouverneur de la ville, & long-temps de-
tenu en prison, comme il refusa de sacrifier aux idoles, fut par
trois fois battu, grièvement tourmenté, & en fin decapité. Sur
le port de Rome deceda saint Hippolyte Euesque, tres-renommé
pour sa doctrine, lequel sous l'Empereur Alexandre, pour auoir
courageusement confessé la Foy, fut pieds & mains liees, jetté
dans vne profonde fosse, qui estoit pleine d'eau, où il mourut; &
fut ensevely pres du mesme lieu par les Chrestiens. A Autun
saint Simphorian martyr du temps de l'Empereur Aurelian, re-
fusant de sacrifier aux idoles, fut battu, mis en prison, & en fin
decapité. A Rome saint Antonin martyr, se disant & confessant
haut & clair estre chrestien, fut par le juge Vitelle, condamné
à estre decapité, son corps fut ensevely sur le grand chemin d'Au-
rele. Item sur le port de Rome enduerent les saints martyrs
Martial, Saturnin, Epictete, Marpil & Felix, avec leurs compa-
gnons. A Comidia les saints Agathonique, Zotique & leurs
compagnons martyrs, qui souffryrent durant la persecution de
Maximian, sous le President Eutholmie. A Tharce saint Atha-
nase Euesque & martyr: sainte Anthuse noble Dame, qu'il auoit
baptisee, & deux de ses seruiteurs, furent martyrisez sous l'Em-
pereur Valerian. A Rheims les saints martyrs Maur & ses com-
pagnons. A Toledo les saints martyrs Fabrician & Philbert.
A Paue saint Guimfort martyr.

LAVIE DE SAINT
Sidonius Apolinaire, Euesque
& Confesseur.

— 23.  Idonius Apolinaire estoit yssu de fort
Aov. bonne maison, des principaux Sena-
teurs François, gendre de l'Empe-
reur Auit Prefect, Praticien, esleué
aux premieres dignitez, & non moins admira-
ble, à cause de son bel esprit, que de sa rare
science, & diuine eloquence, en laquelle il se
rendit si eminent, qu'il ne s'en trouua point de
pareil en son temps: voila pourquoy il merita
deux couronnes, & sa statue fut mise dans la
place de l'Empereur Trajan. Ayant espousé la
fille de l'Empereur Auit (ainsi que nous auons
dit) il se comporta fort honnestement en ma-
riage. Il estoit plein de compassion, & si prompt
à donner aux pauures tout ce qu'il auoit, que
bien souuent il leur donnoit jusque à sa va-
nelle d'argent, au desceu de sa femme, qui l'en-
fermoit, & rançoit fort: de sorte qu'il taschoit à la
racheter en payant le juste prix aux pauures, &
la rapportoit à sa maison.

Du viuant de sa femme Papienile, dôt il auoit
vne fille nommée Roscie par la mort d'Eparche,
Euesque d'Auergne, Sidonius Apolinaire fut
installé en sa place par le Clergé, & le peuple qui
resognoissoit sa vertu, & son humilité luy fit
fort douter de ceste election: de maniere qu'es-
criuant à S. Loup, Euesque de Troye en Cham-
paigne, pour participer en ses prieres, dont il a-
uoit besoin, pour s'acquiter dignement de ceste

charge, il dit: Moy qui suis accablé d'un con-
nuel fardeau de pechez, ie me voy obligé à prier
pour les pechez du peuple, cōbien que ie sois si
miserable, que si le peuple innocent intercedoit
pour moy, il ne meriteroit pas d'estre exaucé: &
en vne autre Epistre il se plaint d'estre cōtraint
d'enseigner auant que d'auoir appris, & de pres-
cher auant que ses ceures ayent precedé, & dit
qu'il ressembloit à vn arbre sterile, qui ne pou-
uant porter le fruit, produit des feuilles. Sur ce
fondemēt de l'humilité il bastit l'edifice des au-
tres vertus dignes d'un saint & vigilant Pasteur,
que les saints Euesques de son temps recom-
mandoient fort en luy. Ils l'auoient tous en tel-
le estime, qu'estans en peine d'eslire vn Euesque
de Bourges, qui estoit Metropolitain, eux & le
peuple s'en rapporterent entierement à Sido-
nius, & il nomma Simplicien grad personnage,
qui fut accepté d'un commun applaudissement.
Sa sainteté, & le deuoir qu'il apportoit à la
charge parurent fort es travaux qu'il endura: car
deux Prestres de son Eglise entreprirent tel-
lement de le persecuter, qu'ils luy offerent le pou-
uoir d'administrer les biens de l'Eglise, le trai-
tant & nourrissant fort escharfemēt, ils luy de-
fendirent l'entree de l'Eglise, & complottoient
ent'eux s'il alloit entendre Matines la nuit, de
l'en tirer, & dechasser par force: & l'un d'eux
oyāt sonner Matines, se leua en furie pour ex-
ecuter leur dessein: mais nostre Seigneur & Re-
dempteur Iesus-Christ le preuint d'un flux de
sang, & des entrailles, qui le fit mourir subite-
ment, & aller rendre compte au juste Iuge de ce
qu'il auoit machiné contre son seruiteur. Ceste
punition diuine restablit saint Sidonius en la li-
bre administration de son Eglise, à laquelle, & à
la ville, nostre Seigneur fit de grâdes faueurs par
les prieres & merites de son Pasteur. Car Eua-
ric. Roy des Gots, fit plusieurs entreprises sur
la ville, que le saint Euesque defendit par ses
prieres, & larmes continuelles, faisant faire des
Litanies & Processions par tout le peuple, & par
les lettres qu'il escriuit à saint Mammert, Eues-
que de Vienne, qui auoit ordonné les Procef-
sions des Rogations, afin qu'il les aydast, & se-
courust en ce peril: nostre Seigneur exauça les
prieres de ces saints Euesques, & conserua la
ville par leur intercession. Pendant que le saint
Prelat s'acquittoit si dignement de sa charge, il
tomba au liēt de la mort, à laquelle s'estant dis-
posé, il se fit porter à l'Eglise, où il fut visité de
tout le peuple, grands & petits, hommes & fem-
mes qui pleuroient tous, crians: Pourquoi nous
laissez-vous, ô saint Pasteur: il leur disoit: Ne
craignez point, ô mō peuple, ie vous laisse mon
frere Aprucule, qui sera vostre Prestre & Pasteur.
Le saint deceda, & l'autre Prestre qui l'auoit
persecuté s'ingera au manimēt des biens de l'E-
glise, faisāt l'Euesque, & publiāt par tout qu'en
fin Dieu auoit cogneu ses merites plus effica-
ces que ceux de Sidonius, luy ayant donné ce
pouuoir. La ville n'estoit pas capable de conte-
nir son orgueil: & pour mieux celebrer sa nou-
uelle dignité, le Dimanche d'apres le deccès du
saint.

— saint Euesque, il fit preparer vn superbe & magnifique banquet, auquel il couua tous les principaux de la ville : Il s'assit au bout de la table comme leur Chef & Seigneur. Comme il voulut boire à toute la compagnie, l'Eschanfon qui luy presenta le verre luy dit : Monseigneur, j'ay fait vn songe que ie vous raconteray, si vous me le permettez. Ceste nuit passée j'ay veu en dormant vne maison resplandissante, en laquelle il y auoit vn Iuge assis en son thronne, qui examinoit les causes d'vn chacun; parmy la troupe j'ay apperceul' Euesque Sidonius, avec vostre amy qui deceda ces iours passez, lequel sembloit estre en procez & dispute avec Sidonius : mais il perdit son procez, & par le commandement du Iuge fut ietté dans vn cul de basse fosse. Apres que ce Prestre a esté tiré de là, Sidonius vous a accusé comme associé à sa maison : alors le Iuge a commandé que vous fussiez appellé deuant luy : voyant cela, ie me suis caché tout tremblant de peur que l'on ne m'en donnast la charge : les autres s'en sont allez peu à peu, & ie suis demeuré tout seul : telle ment que ce Iuge seure m'a donné la commission de vous dire de sa part, arreté du que Sidonius vous accusoit si griefuement, que vous cōparussiez pour vous defendre, & m'a menacé de me faire mourir si ie ne le vous faisois à sçauoir. Ce Prestre oyât cela : ayât le verre en la main, prest à boire, demeura bien estonné, & mourut à l'instant. Pour nous apprendre, encores que nostre Seigneur Iesus-Christ permette que les seruiteurs soient affligez, il ne laisse pas de couronner leur patience, & chastier l'insolence de ceux qui les persecutent.

Quand saint Sidonius dit qu'Apruncule luy deuoit succeder, les assistans ny prirent pas garde, au contraire, il pensoient qu'il refusa, & fuchors de soy, d'autant qu'Apruncule estoit Euesque de Langres : mais nostre Seign. qui l'auoit reuelé à Sidonius son successeur, permit que les Bourguignons entrerent en defiance d'Apruncule, & resolurent de le tuer; dont estant aduert, il s'euada la nuit, se laissant couler du haut des murs de la ville. Il vint en Auvergne du temps qu'il n'y auoit point d'Euesque, & succeda à Sidonius, accomplissant sa prophetic, & fut l'vnziesme Euesque de ceste Eglise.

La vie de saint Sidonius Apolinaire a esté écrite par Gregoire de Tours, en son Histoire de France : liure. 5. chap. 11. Surtius la rapporte en son 4. tome. Le Martyrologe Romain en fait mention le 23. iour du mois d'Avoust. Grenade, des Hommes Illustres, chap. 92. Molan es Additions à Vsuard, & le Cardinal Baronius en ses Annotations, & au 6. tome de ses Annales. Il vescu du temps des Empereurs Leō & Zenon, & laissa plusieurs opuscules en Prose & en Vers, fort doctes & pieux, qui sont rapportez par Tritime, en son liure des Autheurs Ecclesiastiques.

La vigile du glorieux saint Barthelemy Apstre. A Antioche decederent les saints martyrs Restitut, Donat Valerian & Fructuose, avec autres douze, couronnez pour la confession de la Foy. A Egue en Sicile, les saints martyrs Clau-

de, Asteric, & Non, freres, lesquels apres auoir esté en diuerses maniers tourmentez, furent crucifiez par le commandement du president Iysias. A Rheims trespasserent les saints Timothee & Apollinar. A Lyon les saints martyrs Mimerue & Eleazare, avec huit leurs enfans. A Sirne S. Venie Euesque, lequel durant la persecution de Diocletian, sous le Prestre Probe, ayant esté battu de verges, & puis decapité, fut ietté dans la riuiere. Item saint Loup martyr lequel estant seruiteur de condition, receut la franchise de nostre Sauueur, & la couronne du martyr. En Hierusalem S. Zachee Euesque, qui gouverna ladicte Eglise apres S. Iacques. En Alexandria S. Theone Euesque. A Arum. S. Flavian Euesque & confesseur. En Auvergne saint Sidoine Euesque, renommé pour sa doctrine & sainteté.

LAVIE DE SAINT Barthelemy. Apstre.

CE n'est pas sans raison que S. Iean Chrysostome se plaint dequoy nous ne sçauons par le menu les hautes & memorables entreprises de quelques Apostres, qui ont esté les heureuses trompettes, & Ambassadeurs celestes, que Dieu enuoya pour illuminer & conquerir le monde, le reduisant sous le ioug du saint Euangile. pleust à Dieu, dit-il, qu'il se fust trouué quelqu'un qui eust soigneusement couché par escrit l'Histoire des Apostres, & nous eust expliqué non seulement ce qu'ils ont dit & escrit, mais aussi ce qu'ils ont fait durant toute leur vie, les vian des qu'ils mangeoient, quand, & comment; cōbien ils demouroient en vn lieu, par où ils ont passé, ce qu'ils faisoient chascun iour, & en quels quartiers du monde ils vescuient, en quelles maisons ils enterent, & quels ports ils aborderent : Bref, qui nous apportast fidelement, & par le menu toutes ces particularitez : car si nous sommes souuent consolez voyans les lieux esquels ils ont demeuré, ou esté prisonniers, & que ceste seule consideration nous resueille, & excite à la vertu, nous le ferions avec beaucoup de soin & d'effort, si nous sçauions les paroles qu'ils ont proferées & les metueilles qu'ils ont operé : si vn amy a de coustume de demander où est son amy, où va-il, que fait-il, nous y serions mieux fōdez lors que nous discouurons des Maistres vniuersels & Predicateurs de tout le mode.

Mais commé il est bien certain que ces genereux & magnanimes Capitaines de nostre Seigneur Iesus-Christ, ont plus basti & trauail lé que les autres en la conuersio du monde : Du surplus nous n'en sçauons rien de bien certain & aueré, à cause des choses douteuses & apocripthes, dont on a remply les discours de leurs vies & martyres, nommément celle de saint Barthelemy, que saint Mathieu met le sixiesme au Catalogue des Apostres, lequel estoit Galileen, & comme dit Ioseph allegué par Metaphraste, du mestier de Pescheur, aussi bien que les autres Apostres. Nous ne trouuons point quand (ou cōment) N. S. l'appella, ny en quel tēps il commença à estre sō Disciple : mais bien qu'au tēps que les Apostres diuiserēt entre eux toutes les Prouinces du monde, pour y aller prescher l'Euangile, S. Barthelemy eue pour sa